



CONVENIO ENTRE A XUNTA DE CONFRARÍAS DE SEMANA SANTA DE SANTIAGO DE COMPOSTELA E O CONCELLO DE SANTIAGO DE COMPOSTELA PARA O DESENVOLVEMENTO DUN PROGRAMA DE ACTIVIDADES E PROMOCIÓN DA SEMANA SANTA DURANTE A ANUALIDADE 2022

Na Cidade de Santiago, a 6 de outubro de 2022

REUNIDOS

Dunha parte, D. Xosé A. Sánchez Bugallo, como Alcalde do Concello de Santiago de Compostela, en virtude das competencias que lle confiren os artigos 124 da Lei 7/85, do 2 de abril, reguladora das bases do réxime local, e 61 da Lei 5/97, do 22 de xullo, de Administración local de Galicia, con CIF nº P1507900G e, domicilio social en Praza do Obradoiro, s/n, 15705 de Santiago de Compostela.

E doutra, D. José Ramón Muñiz Ramos, con DNI 44810396W, en calidade de presidente da Xunta de Confrarías de Semana Santa de Santiago de Compostela, con C.I.F. nº R1500441I, Inscrita no Rexistro de Entidades Relixiosas (Ministerio da Presidencia, Relacións coas Cortes e Memoria Democrática, Sección Especial-Católicas, co número 022406 con data 9 de abril de 2015 , e con enderezo na rúa Praza da Quintana de Mortos 3 – 15704 Santiago de Compostela.

Ambas as dúas partes no nome e representación que ostentan e coa capacidade legal para este acto,

EXPOÑEN

I.- Que este convenio regularase polo disposto na Lei 40/2015, de 1 de outubro, de réxime xurídico do sector público, na Lei 38/2003, de 17 de novembro, xeral de subvencións” e RD 887/2006 de 21 de xullo, polo que se aproba o seu regulamento, e polo definido na Lei 9/2007 do 13 de xuño de subvencións de Galicia.

II.- Que o Concello de Santiago de Compostela colabora coa Xunta de Confrarías de Semana Santa de Santiago, no apoio ao programa de actos e actividades propias da Xunta, da que forman parte 13 confrarías e irmandades da cidade.

Segundo o establecido no artigo 3 puntos a) e b) da Lei 5/2014 do 27 de maio de medidas urxentes derivadas da entrada en vigor da Lei 27/2013 do 27 de decembro, de racionalización e sustentabilidade da administración local, non se entenderá como exercicio de novas competencias a continuidade na prestación dos servizos xa establecidos nin a continuidade da actividade de fomento xa establecida en exercicios anteriores; polo tanto a continuidade destas liñas de axudas e actuación non poden ser consideradas exercicio de novas competencias.

III.- Son os convenios o instrumento habitual para canalizar as subvencións nominativas previstas, segundo se establece especificamente nos artigos 47.2.c e 48.7 da Lei 40/2015 de réxime xurídico do sector público, no artigo 28 da lei 38/2003 xeral de subvencións e no artigo 26 da Lei 9/2007 de subvencións de Galicia, así como, de forma específica na base 31 punto 7 das bases de execución do orzamento municipal para a anualidade 2022.

E, polo que as partes

MANIFESTAN

- I. Que a Xunta de Confrarías de Semana Santa de Santiago de Compostela, con CIF R1500441L, está inscrita no Rexistro de Entidades Relixiosas (Ministerio da Presidencia, Relacións coas Cortes e Memoria Democrática, Sección Especial-Católicas, co número 022406, con personalidade xurídica e plena capacidade de obrar para o cumprimento dos seus fins.
- II. Que o Concello de Santiago de Compostela ten nestes momentos un obxectivo clave, que é o apoio ao programa actividades e promoción da Semana Santa levadas a cabo no ano 2022 pola Xunta de Confrarías de Semana Santa de Santiago de Compostela.
- III. Que é interese da Xunta de Confrarías de Semana Santa de Santiago levar a cabo actos, cultos, oficios, procesións, concertos, encontros, etc. para promocionar a Semana Santa de Santiago como manifestación cultural e popular de gran atractivo turístico na cidade.
- IV. Que a Xunta de Confrarías de Semana Santa de Santiago, dispón de competencia, metodoloxía, equipo técnico e materiais necesarios para desenvolver no marco das súas actividades e dar resposta, ás necesidades de promoción da Semana Santa.
- V. Que o Concello de Santiago considera importante establecer acordos de colaboración coa Xunta de Confrarías de Semana Santa de Santiago, co fin de garantir a realización de actos e actividades, considerando que é positivo para a promoción turística da Semana Santa de Santiago de Compostela, que conta co distintivo de Festa de Interese Turístico de Galicia dende o ano 2017, e tamén polo traballo conxunto que se está levando a cabo para lograr o recoñecemento da Semana Santa santiaguesa como Festa de Interese Turística Nacional.

En consecuencia,

CONVEÑEN

PRIMEIRA. Finalidade do convenio de colaboración

O obxecto desta colaboración é o desenvolvemento dun programa de actividades pola Xunta de Confrarías de Semana Santa Santiago para promocionar a Semana Santa como destino de interese turístico nacional e internacional.

SEGUNDA. Vixencia do convenio

O prazo de vixencia deste convenio é desde o 1 de xaneiro ata o 31 de decembro de 2022.

TERCEIRA. Contía da axuda

Para a colaboración na realización do programa obxecto deste convenio, o Concello de Santiago de Compostela con cargo ao seu orzamento xeral para o ano 2022, achegará a Xunta de Confrarías de Semana Santa de Santiago de Compostela a cantidade de tres mil euros- 3.000,00 € con cargo á aplicación orzamentaria 070 92501 4890001.

CUARTA. Gastos subvencionables

Considéranse gastos subvencionables os seguintes gastos derivados estritamente do desenvolvemento do programa obxecto deste convenio, realizados e efectivamente pagados entre o 1 de xaneiro e a data límite de xustificación:

- Deseño e maquetación do programa de Semana Santa, no que se incluírán as actividades culturais que se desenvolvan con ocasión desta festividade.
- Deseño do cartel de Semana Santa.
- Promoción e difusión da Semana Santa en plataformas dixitais.
- Organización de actos culturais (concertos, encontros...).
- Organización do pregón da Semana Santa.
- Realización de material promocional da Semana Santa.

QUINTA. Xustificación do convenio e forma de pagamento

I.- Respecto da forma de pagamento, estarase o disposto nas bases de execución do orzamento municipal para o ano 2022. Igualmente serán de aplicación o disposto na Lei 38/2003, do 17 de novembro, xeral de subvencións (BOE número 276, do 18 de novembro); o Real decreto 887/2006, do 21 de xullo, polo que se aproba o seu

regulamento (BOE número 176, do 25 de xullo); e a Lei 9/2007, do 13 de xuño, de subvencións de Galicia (DOG número 121, do 25 de xuño).

II.- O pago realizarase previa xustificación dos gastos realizados e do cumprimento da finalidade para a que é concedida a axuda, así como, da aplicación dos fondos destinados para o efecto.

III.- Unha vez xustificada a subvención, o órgano competente, antes de proceder ao seu pagamento, poderá realizar as actuacións de comprobación oportunas para verificar o cumprimento do programa subvencionado.

IV.- Procederá a minoración do importe da subvención concedida cando o orzamento executado teña un custo inferior ao inicialmente previsto, e sempre que esta minoración non supoña unha realización deficiente do programa subvencionado. Considérase que a realización é deficiente, dando lugar á revogación da totalidade da subvención concedida, cando o importe xustificado non alcanza alomenos o 60% da contía da subvención outorgada.

V.- A data límite de xustificación é o 30 de outubro de 2022. Para iso, a persoa beneficiaria deberá presentar a seguinte documentación:

- Memoria de execución do programa obxecto da subvención, que deberá recoller, como mínimo, descrición das actuacións desenvolvidas, valoración do cumprimento dos obxectivos, valoración global da actividade e, do seu impacto en relación cos resultados previstos, publicidade e divulgación que se realizou.
- Anexo I. Declaración responsable asinada pola persoa representante legal da entidade de ter cumprido o obxecto do convenio.
- Anexo II. Declaración responsable do conxunto de todas as subvencións ou axudas solicitadas, concedidas ou percibidas doutros axentes para mesma finalidade. En ningún caso a contía da subvención, só ou en concorrencia con outras subvencións, axudas doutras administracións, entes públicos ou privados, poderá superar a totalidade do custo do programa.
- Anexo III. Relación detallada, desagregada por conceptos, das facturas ou documentos xustificativos do desenvolvemento do programa obxecto de convenio, asinada pola persoa representante legal da entidade beneficiaria.
- Facturas ou documentos substitutivos nos casos previstos no Real Decreto 1619/2012, de 30 de novembro, polo que se aproba o Regulamento polo que se regulan as obrigas de facturación, que acrediten a realización dos gastos, en relación nominativa, agrupados por accións realizadas, segundo corresponda. Ás facturas deberán xuntárselles os documentos acreditativos do seu pagamento.

A acreditación do pagamento realizarase por algunha das seguintes formas:

- Por transferencia bancaria, con copia do resgardo do seu cargo. No concepto da transferencia debe figurar o número da factura y la descrición do servizo realizado.

- Efectivo: admítase unicamente para gastos que pola súa natureza non poidan ser pagados baixo outra modalidade. A súa contía non pode exceder en ningún caso de 600 euros. Xustificaranse mediante factura ou recibo asinado polo acredor que indique a data de abono e a expresión recibín ou outra análoga.
- Certificados de estar ao corrente nos pagamentos coa Seguridade Social, a Axencia Estatal da Administración Tributaria e a Xunta de Galicia. Comprobarase de oficio que a persoa solicitante está tamén ao corrente co Concello de Santiago.
- Tarxeta do número de identificación fiscal e certificado de titularidade da conta bancaria na que facer o ingreso.
- Anexo IV. Declaración responsable asinada pola representante legal de ter dado a adecuada información e publicidade do carácter público do financiamento do programa obxecto de convenio, acompañada da documentación gráfica (fotografías, fotocopias, captura de pantallas ...) que así o acredite.

VI.- Se a entidade beneficiaria obtivese subvencións doutras entidades públicas ou privadas que, xunto coa concedida polo Concello superara o total do custo da actividade, a axuda municipal minorarase e procederá o reintegro do exceso obtido sobre o custo da actividade subvencionada, así como o interese de demora correspondente.

VII.- Non poderá realizarse o pagamento da subvención en tanto a beneficiaria non estea ao corrente no cumprimento das obrigas tributarias e coa Seguridade Social. Asemade porá a disposición do Concello de Santiago de Compostela cantos datos lle sexan requiridos respecto do desenvolvemento do programa obxecto do convenio.

VIII.- Se a xustificación fose incorrecta ou incompleta, requirirase á entidade para que corrixa os erros ou defectos observados e achegue os documentos solicitados no prazo de dez días hábiles, advertíndolle que, de non facelo, procederase, logo de resolución, de ser o caso, ao reintegro da contía percibida e á esixencia dos xuros de demora.

SEXTA. Obrigas da entidade beneficiaria

De conformidade coas Bases de execución do orzamento xeral para o ano 2022, son obrigas das entidades beneficiarias as establecidas no artigo 14 da Lei 38/2003, do 17 de novembro, xeral de subvencións, no R.D 887/2006, do 21 de xullo, polo que se aproba o seu regulamento, na Lei 9/2007 do 13 de xuño, de subvencións de Galicia, así como as establecidas nas bases reguladoras das subvencións aprobadas polo Concello ou, no seu caso, polo disposto para o efecto neste convenio e, en todo caso:

- a) Cumprir o obxecto do convenio, realizando as actividades que fundamenta a concesión da subvención.

- b) Xustificar ante o Concello de Santiago de Compostela, o cumprimento dos requisitos e condicións; así como a realización da actividade e o cumprimento da finalidade que determina a concesión.
- c) Someterse ás actuacións de comprobación que poida efectuar o Concello de Santiago de Compostela, así coma calquera outras de comprobación e control financeiro que poidan realizar os órganos de control competentes, achegando tanta información lles sexa requirida no exercicio das actuacións anteriores.
- d) Comunicarlle ao Concello de Santiago de Compostela a obtención doutras subvencións, axudas, ingresos ou recursos que financien as actividades subvencionadas por este convenio. Esta comunicación deberá efectuarse tan pronto como se coñeza pola entidade beneficiaria e, en todo caso, con anterioridade á xustificación da aplicación dada aos fondos percibidos.
- e) Acreditar con anterioridade á proposta de resolución de concesión, que se atopa ao corrente no cumprimento das súas obrigas tributarias e coa seguridade social.
- f) Dispoñer dos libros contables, rexistros dilixenciados e demais documentos debidamente auditados nos termos esixidos pola lexislación mercantil e sectorial aplicable en cada caso, así coma cantos estados contables e rexistros específicos sexan esixidos para garantir o axeitado exercicio das facultades de comprobación e control.
- g) Conservar os documentos xustificativos da aplicación dos fondos recibidos, en tanto poidan ser obxecto das facultades de comprobación e control.
- h) A entidade beneficiaria deberá dar a adecuada publicidade do carácter público da financiamento dos programas e actividades obxecto do presente convenio. Para tal efecto na publicidade das actividades farase constar de maneira expresa a colaboración do Concello de Santiago tal e como se dispón na cláusula sétima do presente convenio.
- i) Proceder ao reintegro dos fondos percibidos de acordo co disposto no artigo 40.1 da Lei 38/2003, xeral de subvencións e, en todo caso, nos supostos contemplados no artigo 37 da devandita Lei.
- j) Producirase a perda do dereito ao cobramento total ou parcial da subvención no suposto de falta de xustificación ou de concorrencia dalgunha das causas previstas no artigo 37 da Lei xeral de subvencións e de conformidade co artigo 89 do Real Decreto 887/2006, do 21 de xullo, polo que se aproba o seu regulamento.

SÉTIMA. Publicidade e información

As entidades beneficiarias deberán dar a adecuada publicidade do carácter público do financiamento en todas as actuacións que deriven da execución do proxecto, en cumprimento do artigo 15.3º da Lei 9/2007, do 13 de xuño, de subvencións de Galicia e 31 do Real Decreto 887/2006, do 21 de xullo, polo que se aproba o regulamento da Lei 38/2003, do 17 de novembro, xeral de subvencións.

En concreto, deberán facer constar, na súa publicidade ou na información que xeren en relación co proxecto subvencionado, o financiamento público con fondos do Concello de Santiago.

OITAVA. Protección de datos

As actuacións en materia de cesión de datos de carácter persoal axustaranse ao disposto na Lei orgánica 3/2018, de 5 de decembro, de protección de datos persoais e garantía dos dereitos dixitais e demais normativa de desenvolvemento.

O Concello de Santiago velará polos datos de carácter persoal que serán obxecto de tratamento, e para eses efectos procederase á súa incorporación a un ficheiro que cumprirá as esixencias da Lei orgánica 3/2018, de 5 de decembro, de protección de datos persoais e garantía dos dereitos dixitais, adoptándose tanto as medidas de seguridade técnicas como organizativas. A finalidade da recollida e tratamento dos datos persoais será estritamente a xestión e tramitación dos expedientes correspondentes. Os datos non serán obxecto de cesión a terceiras persoas; non obstante, o Concello de Santiago revelará ás autoridades públicas competentes os datos persoais e calquera outra información que estea no seu poder ou sexa accesible a través dos seus sistemas e lle sexa requirida de conformidade coas disposicións legais e regulamentarias aplicables ao caso. Decláranse recoñecidos os dereitos de acceso, cancelación, rectificación e oposición, que poderán exercerse ben mediante escrito no cal se achegue identificación suficiente, dirixido ao seguinte enderezo: Excmo. Concello de Santiago. Rúa Presidente Salvador Allende 4 baixo. 15705-Santiago de Compostela.

NOVENA. Avaliación e interpretación

Os problemas de interpretación e cumprimento que poidan prantexarse respecto deste convenio e para o caso de existir controversia entre as partes, será resolta pola Xunta de Goberno Local do Concello de Santiago.

DÉCIMA. Causas de resolución

Son causas de resolución do presente convenio e procederá, se é o caso, o reintegro total ou parcial da axuda percibida e os xuros de demora correspondentes dende o momento do seu pagamento, as seguintes:

1. Incumprimento de calquera das cláusula establecida no presente convenio.
2. A aplicación total ou parcial dos fondos outorgados no convenio para fins distintos dos que motivaron a súa concesión.
3. A falta de xustificación do emprego das cantidades recibidas.
4. Os demais supostos previstos nos artigos 36 e 37 da Lei 38/2003, do 17 de novembro, xeral de subvencións.

DECIMOPRIMEIRA. Incumprimento, reintegros e sancións

I.- O incumprimento das obrigas contidas neste convenio, nas Bases de Execución Orzamentaria do Concello de Santiago para o ano 2022, ou demais normativa aplicable, así como das condicións que, se é o caso, se establezan na resolución de concesión, dará lugar á obriga de devolver total ou parcialmente a subvención percibida, así como os xuros de demora correspondentes. Para facer efectiva a devolución a que se refire o punto anterior, tramitarase o oportuno procedemento de



reintegro, que se axustará ao previsto no título II da Lei 9/2007, do 13 de xuño, de subvencións de Galicia, e na súa normativa de desenvolvemento.

II.- Á entidade beneficiaria seralle de aplicación o réxime de infraccións e sancións previsto no título IV da Lei 9/2007, do 13 de xuño, de subvencións de Galicia, e na súa normativa de desenvolvemento.

DECIMOSEGUNDA. Responsabilidade

A organización e materialización do programa obxecto deste convenio, será responsabilidade exclusiva da entidade beneficiaria. A actuación do Concello de Santiago quedará limitada ao seu outorgamento e a garantir o cumprimento da normativa em materia de axudas públicas.

DECIMOTERCEIRA. Inexistencia de relación laboral

O asinamento do convenio non supón relación laboral, contractual nin de ningún tipo entre as persoas profesionais que vaian a desenvolver as actividades e o Concello de Santiago, polo que estas non poderán esixir responsabilidade ningunha –directa nin subsidiaria- polos actos ou feitos acaecidos no funcionamento do devandito servizo.

DECIMOCUARTA. Carácter do convenio

E, en proba de conformidade, ambas as dúas partes asinan este convenio por duplicado, no lugar e na data sinalados no encabezamento.

As resolucións dictadas ao abeiro deste convenio, poñerán fin a vía administrativa, e seran recurribles ante a xurisdiccion contencioso administrativa.

POLO EXCMO. CONCELLO DE POLA XUNTA DE CONFRARÍAS
SANTIAGO SEMANA SANTA DE SANTIAGO

Don Xosé A. Sánchez Bugallo

D. José Ramón Muñiz Ramos